

Resolución do , da División de Recursos Humanos e Desenvolvemento Profesional, pola que se formaliza a convocatoria para a selección de aspirantes a vinculacións temporais nas institucións sanitarias do Servizo Galego de Saúde nas categorías de médicos de familia, pediatras, odontólogos, persoal de enfermería, matronas e auxiliares de enfermería.

No pacto subscrito pola Administración sanitaria de Galicia e as centrais sindicais CIG, CC.OO., UXT, CSI-CSIF e SAE, sobre selección temporal de persoal estatutario para vinculacións temporais nas institucións sanitarias do SERGAS asinado o 6 de maio de 2004, e publicado no Diario Oficial de Galicia nº 104, do 1 de xuño, establécese que unha vez publicado o pacto se formalizará e se publicará a convocatoria de aspirantes.

Esta resolución ten por obxecto formalizar a convocatoria para a selección de aspirantes a vinculacións temporais das categorías de médicos de familia, pediatras, odontólogos, persoal de enfermería (ATS/DUE), matronas e auxiliares de enfermería.

Logo do acordo do contido desta convocatoria no seo da comisión central de seguimento do pacto, a División de Recursos Humanos e Desenvolvemento Profesional, en uso das atribucións conferidas polo Decreto 46/2006, do 23 de febreiro (Diario Oficial de Galicia nº 56, do 21 de marzo), polo que se establece a estrutura orgánica do Servizo Galego de Saúde, e na Orde do 3 de febreiro de 2005 (DOG nº 26, do 8 de febreiro), sobre delegación de competencias en órganos centrais e periféricos do Servizo Galego de Saúde, esta división

RESOLVE:

Primeiro.-Obxecto.

Por medio desta resolución procédese a convocar os aspirantes interesados en presentar a súa solicitude de inscrición nas listas que se confeccionen en aplicación do pacto de selección temporal de persoal estatutario do Sergas

(Diario Oficial de Galicia nº 104, do 1 de xuño), nas categorías de médico de familia, pediatras, odontólogos, persoal de enfermería (ATS/DUE), matronas e auxiliares de enfermería, para acceso a vinculacións temporais no SERGAS.

Ao presente proceso, e á selección temporal que del derive, seranlle aplicables as normas previstas no pacto de selección temporal para vinculacións temporais do SERGAS (Diario Oficial de Galicia nº 104, do 1 de xuño) e demais que resulten no seu desenvolvemento.

Segundo.-Solicitudes e prazo.

1. Solicitudes:

As solicitudes presentaranse no modelo normalizado que corresponda a cada categoría, xunto coa documentación necesaria. Os modelos figuran nos anexos desta convocatoria e na páxina web do Servizo Galego de Saúde <http://www.Sergas.es/gal/personal/PerListadosContratacion.asp>, facilitaranse tamén nas direccións provinciais do SERGAS, nos centros hospitalarios e nas xerencias de atención primaria.

2. Prazo:

As solicitudes no modelo normalizado, xunto coa documentación necesaria, presentaranse no prazo máximo de quince días naturais, contados a partir do día seguinte ao da publicación desta convocatoria no Diario Oficial de Galicia.

Terceiro.-Requisitos.

1. Os requisitos, que deberán posuír os aspirantes, serán os recollidos na disposición 5.3 do pacto citado (Diario Oficial de Galicia nº 104, do 1 de xuño), e os que constan no reverso de cada modelo de solicitude, así como os que se dispoñen nesta resolución.

2. A presentación da solicitude no modelo normalizado resulta requisito imprescindible, en todos os casos, para adquirir a condición de aspirante.

As solicitudes poderán presentarse nas oficinas de rexistro da Xunta de Galicia, nos rexistros das direccións provinciais do SERGAS, nos rexistros do centros

hospitalarios do SERGAS e nos rexistros das xerencias de atención primaria do SERGAS, así como tamén nas oficinas de correos nas condicións a que se refire o artigo 38 da Lei de réxime xurídico das administracións públicas e do procedemento administrativo común, e dirixiranse á dirección provincial do SERGAS que corresponda coa provincia da área de xestión solicitada. As áreas de xestión e as provincias figuran no reverso do modelo de solicitude.

3. Os requisitos de titulación que deben reunir os aspirantes en cada categoría profesional figuran no reverso do correspondente modelo de solicitude.

4. Será absolutamente imprescindible para a admisión e, de ser o caso, valoración dos méritos dos aspirantes que acheguen as certificacións acreditativas dentro do prazo de presentación de solicitudes. Calquera certificación achegada fóra do indicado prazo será rexeitada e excluída da valoración, agás o disposto no parágrafo segundo do punto 1 da presente norma. Só se valorarán os méritos acreditados ata o día inmediatamente anterior á data de publicación no Diario Oficial de Galicia desta convocatoria.

5. Xustificante de ter aboadas as taxas. De acordo co previsto na última disposición desta resolución, deberá acreditarse mediante o exemplar para a administración do impreso de autoliquidación que figura no anexo nº ----- , en que constará o selo da entidade bancaria, co aboamento das taxas. Non presentar este anexo determinará a exclusión do aspirante.

Cuarto.- Listas especiais.

Os aspirantes das categorías que se especifican poderán solicitar as listas seguintes previstas na norma xeral 12ª do pacto sobre disposicións especiais.

A opción ás listas especiais formalizarase no modelo de solicitude para as categorías en que constan tales opcións de maneira expresa nos modelos de solicitude.

O aspirante poderá solicitar a inclusión en todas ou nalgunha das listas especiais que constan no modelo de solicitude. Sen prexuízo do anterior, o

aspirante de enfermería que figure como admitido titular tanto na lista de curta duración de urxencias extrahospitalarias de atención primaria como de curta duración de atención especializada deberá optar por unha delas no momento da publicación das listas definitivas de cada unha das ditas listas, por escrito formalizado ante a dirección provincial correspondente dentro do prazo de dez días desde a publicación. De non formalizar a opción dentro do prazo, será dado de baixa nunha das dúas listas, segundo se determine por instrucións da División de Recursos Humanos e Desenvolvemento Profesional do SERGAS.

A) Curta duración de atención especializada.

Os aspirantes da categoría de persoal de enfermería (ATS/DUE) poderán solicitar a súa inscrición para vinculacións de curta duración en atención especializada indicando o centro ou complexo.

Logo de determinación no seo da comisión central de seguimento de pacto, declararase o número de aspirantes necesario en cada centro.

A relación de aspirantes que figuren como admitidos nestas listas en cada centro será publicada nos taboleiros de anuncios dos centros e da dirección provincial correspondente.

B) Longa duración para urxencias extrahospitalarias en atención primaria.

Poderase solicitar o acceso a vinculacións de longa duración do novo modelo de urxencias extrahospitalarias en atención primaria nas categorías de médico de familia e persoal de enfermería. Esta solicitude non exclúe a selección para o acceso a vínculos de longa duración (duración prevista dun ano ou praza vacante) pola lista ordinaria.

C) Outras vinculacións para urxencias extrahospitalarias.

Nas categorías de médicos de familia e persoal de enfermería (ATS/DUE), para o acceso á cobertura de atención urxente extrahospitalaria mediante vínculos diferentes aos anteriores, e á cobertura de atención ordinaria de duración igual ou inferior ao mes, deberá formalizarse a opción na epígrafe correspondente do modelo de solicitude.

D) Áreas especiais.

Os aspirantes das categorías de enfermería e auxiliar de enfermería que acrediten dous meses de servizos prestados nas áreas especificadas no modelo, ou ben na categoría de enfermería acrediten posuír a formación na especialidade de saúde mental, poderán presentar a solicitude para figurar nesas listas especiais, marcando a correspondente área no modelo de solicitude.

E) Médicos de familia co diploma de puericultor.

Os aspirantes inscritos na lista de médico de familia que acrediten o diploma de posgrao en puericultura poderán solicitar o acceso á lista especial de médicos puericultores, sinalando o epígrafe correspondente do modelo de solicitude de médicos de familia. Os servizos prestados por mor de vínculos en prazas de pediatría por esta lista especial serán computados en médicos de familia.

Quinto.-Documentación.

1. Xunto coa solicitude e demais documentos que figuran como requisitos, coa copia do DNI, debidamente compulsado, os interesados deberán achegar os xustificantes dos requisitos exixidos e méritos alegados, que non fosen presentados na mesma categoría por mor da anterior convocatoria ordinaria no ano 2004, ou nas incorporacións automáticas previstas na Norma Xeral 6.3.1 do vixente Pacto de selección temporal, e que polo tanto, en ambos os dous supostos, xa figuran no expediente do interesado. A acreditación dos documentos efectuarase nos termos previstos nesta convocatoria mediante documentos orixinais ou copias fotoestáticas compulsadas, segundo se recolle no reverso do modelo de solicitude, e con base no disposto nos anexos do pacto para o baremo correspondente á categoría solicitada.

De acordo co indicado no parágrafo anterior, xunto coa documentación necesaria para o acceso, para a baremación dos epígrafes de desemprego, experiencia profesional, e participación no réxime de selección temporal deberá presentarse o seguinte:

-Para a acreditación do desemprego: certificado acreditativo expedido pola Tesouraría Xeral da Seguridade Social dos tres últimos anos (certificado de vida laboral), ou ben declaración xurada e asinada no espazo reservado do modelo de solicitude, polo que se autoriza ao Sergas para que solicite a vida laboral á Tesouraría Xeral da Seguridade Social, co obxecto de acreditar o tempo de desemprego.

-Para a acreditación de servizos prestados: certificado asinado polo director da institución sanitaria ou empresa en que conste toda a información necesaria para a baremación. Para estes efectos, cómpre clarexar que a vida laboral non acredita os servizos prestados.

-Na categoría de médicos de familia. Para acreditar a participación no réxime de selección temporal: certificación expedida pola xerencia de atención primaria correspondente.

Non será preciso presentar certificación ou documentos xustificativos dos requisitos habilitadores e méritos relativos a: experiencia profesional, dispoñibilidade en médicos de familia, formación académica, formación especializada, formación continuada e coñecementos do idioma galego xa tidos en conta en anteriores convocatorias ou supostos de incorporación automática e que, polo tanto, xa constan no expediente do aspirante interesado.

Para a baremación da epígrafe de dispoñibilidade na categoría de médicos de familia realizarase un proceso automatizado de baremación, sen que sexa necesario achegar xustificación ningunha.

2. Non será necesario acreditar documentalmente a superación do exercizo ou exercizos da fase de oposición das categorías de matronas, enfermería e auxiliar de enfermería, convocadas polo Servizo Galego de Saúde por Resolución do 20 de marzo de 2001 (Diario Oficial de Galicia nº 63, do 29 de marzo), xa que se dispón destes datos de xeito fidedigno nas direccións provinciais do citado organismo.

Sexto.-Reserva de vinculacións temporais para persoal discapacitado.

Nos termos que indique esta división, logo de negociación no seo da comisión de seguimento deste pacto, farase unha reserva do 5% das vinculacións temporais en período estival das categorías con maior oferta de selección para o persoal que acredite un grao de discapacidade igual ou superior ao 33%, e que así o indique e acredite xunto coa solicitude.

Sétimo.-Entrada en vigor das listas.

As listas que se elaboren en execución desta convocatoria entrarán en vigor na data indicada na publicación das listas definitivas de aspirantes admitidos e excluídos.

A publicación das listas provisionais e definitivas formalizarase nos taboleiros de anuncios das direccións provinciais do Sergas e das xerencias de atención primaria, hospitais e complexos hospitalarios, así como tamén na páxina web do Sergas.

Oitavo.-Aboamento de taxas.

De conformidade co disposto na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, como requisito necesario para participar neste proceso, deberase aboar previamente en concepto de dereitos de inscrición nas listas o importe de 15,92€ e, se é o caso, os gastos de transferencia correspondentes, mediante transferencia bancaria nalguna das sucursais das entidades financeiras colaboradoras na recadación.

Estarán exentos do aboamento desta taxa os aspirantes que acrediten unha discapacidade igual ou superior ao 33%. Tal circunstancia deberá ser acreditada documentalmente xunto coa solicitude de inscrición, mediante fotocopia compulsada da cualificación de discapacidade.

O impreso de autoliquidación, así coma os códigos para cubri-lo, seranlles facilitados aos interesados xunto coa solicitude de inscrición nas direccións provinciais do Sergas, nos centros hospitalarios e nas xerencias de atención

primaria, sen que en ningún caso a simple transferencia de ingreso poida substituír o trámite de presentación en tempo e forma da solicitude.

Non presentar, xunto co modelo de solicitude de inscrición, este impreso de autoliquidación en que deberá figurar o selo da entidade bancaria, determinará a exclusión do aspirante.

En caso de erro ou discrepancia co importe autoliquidado, establecerase unha exclusión provisional, que poderá ser emendada no prazo de reclamacións á resolución de publicación das listas provisionais de aspirantes admitidos e excluídos.

O importe aboado por este concepto devolverase aos aspirantes que se declaren excluídos na publicación das listas definitivas de admitidos e excluídos e que así o soliciten.

Noveno.-Incorporación automática de novos aspirantes.

1. En aplicación do disposto na norma xeral 6.3 do pacto, os aspirantes interesados poderán presentar a súa solicitude, sen necesidade dunha previa convocatoria, durante os quince primeiros días dos meses de xullo de 2006, outubro de 2006 e marzo de 2007, e nas mesmas datas nos anos sucesivos, de ser o caso. Indicarase no modelo o período de solicitude -mes (xullo, outubro, marzo) e ano- e a prelación virá determinada pola orde derivada do citado prazo e da prelación de aspirantes que resulte da avaliación. As solicitudes deberán ser dirixidas ás direccións provinciais do SERGAS.

2. As direccións provinciais do SERGAS divulgarán un recordatorio da apertura do citado prazo na segunda quincena do mes anterior que corresponda. Terán á disposición dos interesados os modelos normalizados de solicitude.

3. Coas solicitudes presentadas por mor da incorporación automática, realizarase a valoración consonte o baremo da categoría correspondente, e procederá a publicación das listaxes provisionais e definitivas de puntuacións.

4. A lista que resulte pasará a integrarse nas listas vixentes en virtude da presente convocatoria, polo número de orde que resulte ao final das listas extraordinarias publicadas en último lugar en cada categoría.

5. Unha vez resoltas e publicadas as listas definitivas da presente convocatoria xeral, os aspirantes incorporados por mor deste epígrafe, pasarán a figurar ao final dos aspirantes integrados na lista resultante da citada convocatoria xeral. De figurar nas dúas listas, xeral e subsidiaria, serán dados de baixa na lista subsidiaria agás que, no prazo de dez días desde a publicación da lista definitiva, manifesten por escrito, perante a dirección provincial correspondente, a outra opción.

6. Idéntico tratamento outorgarase á lista que resulte dos aspirantes que se incorporen a estas listas polo quenda de promoción interna temporal.

Santiago de Compostela, a.... de..... de 2006.

Antonio José Fernández Paniagua

**Director Xeral da División de Recursos Humanos e Desenvolvemento
Profesional do Servizo Galego de Saúde**



I N F O R M A